

授書又到故家來

王屋山太極杜真人

真人名冲鎬京人年甫冠聞文始得道來師事之文始適蜀依止草樓真宅穆王追慕仙躅命駕詣焉爲建觀宇延冲等七人爲道士鍊養旣成身生玉光五藏充實僅容氣息復解胞釋結洞觀眾妙矣以懿王己亥年升舉任王屋仙主贊曰

元弢解去謝塵寰 物裏光陰指一彈 復向洞天觀眾妙
高鞭黃鶴上天壇

赤城宮彭真人

真人名宗字法先彭城人周穆王崇尙黃老招致英賢真人應

道藏輯要

經臺碑記

癸

翼集一

川上八

聘而至師事太極真人授雌一之道乃鍊神入妙洞達靈源能三日三夜通爲一息或沒水底竟日方出或僵臥及月人疑已殞起復輕強以厲王丙申歲冲舉受秩赤城仙伯贊曰

真人以踵眾人喉 其息深兮道日休 盡道蒙莊發幽祕
焉知其說有蹤由

太清宋真人

真人名倫字德元雒陽人早佩真訣棲心元域究通塞之源得形神合并之道每凌波涉險不由津路故能東觀陽谷西極閬風南邁長離北適元壟周覽八極冥觀天運或居靈嶽或在闌闔或託物以游戲人莫識之以景王乙巳年冲舉贊曰